

مشروع الحكايا والتاريخ الشفوي

ورشة المعارف

٢٠٢٠

الحكاوية: هيا خوري

السلسلة: التجربة المكانية

التاريخ: 02/11/2020

رقم الأرشيف: 20-TMOH-002

نوع الأرشيف: إستخدام محدود

السلسلة/الموضوع الرئيسي	التجربة المكانية
رقم الأرشيف	20-TMOH-002
نوع الأرشيف	للاستخدام المحدود - يجب استشارة الحكواتية قبل استخدام هذه المقابلة لأي غرض ثقافي او بحث
الحكواتية	هايا خوري
تاريخ ميلاد الحكواتية	24/11/1994
تاريخ ومكان المقابلة	02/11/2020
ملخص التاريخ الشفوي	تحكي هايا خوري عن أماكن سكنها، وعن تفضيلها للبيوت التي تشبهها. تتكلم عن طرابلس حيث نشأت، والأوجه والطاقت المختلفة للمدينة، ثم تحكي عن تركها لمدينتها وانتقالها للعيش في بيروت. تتكلم عن تفاعلها مع بيوت بيروت وسكانها الأقدم والأكبر سناً، ومع أشخاص من جيلها جئوا من أماكن وبلدان مختلفة، وتكوينها عائلة غريبة ولكن حقيقية مع شابات من خلفيات مختلفة. تروي عن علاقتها بطرابلس اليوم وكيف تتصورها، وعن علاقتها كذلك مع بيروت كمدينة ملهمة ولكن قاسية في نفس الوقت.
معلومات عن الباحثة	مع العديد من الأهواء والإهتمامات الشخصية التي تتمتع بها، حصلت يارا أيوب على شهادتي بكالوريوس، واحدة في الفلسفة والأخرى في التصميم الداخلي. منذ عام 2012، وهي ناشطة وعضوة في العديد من المبادرات والمنظمات غير الحكومية. شاركت في العديد من المنصات الوطنية والدولية وهي الآن المدير التنفيذي لمنظمة "من إلى" غير الحكومية.
التفريغ	فرح يوسف
الكلمات الدلالية	طرابلس، سنة 1994، شارع الميتين، بيت جدي، ذكريات الطفولة، بحر، حرش، إنتقال من بيت إلى آخر، هجرة، سوريا، لبنان، بيروت، حرب أهلية، تعلق بالمكان، إيطاليا، موسييلي، فلسطين، Christmas، رمضان، دين، art، safety net، مدرسة، architecture and design، جامعة، independence، story telling، social work، social design، جنوب، فرن الشباك، عين الرمانة، بيوت قديمة، سقف عالي، شبابيك، ضاحية، مخيم، برمانا، أفريقيا، إنتماء، عائلة، بلاط شعيا، جنبنة، ضبعة، جبران، تايور، الستينيات، البيت، التقمص، idem، كونيكس، مونة، زعتر، مكدوس، زيتون، ليمون، زهر الليمون، علاقة مع المكان، عطر الليل، الأهل، تعصب، إنفتاح، إنفجار 4 آب، ملجأ، برلين، مار مخايل، كرنتينا، حرف، صابون

Rights of Ownership for the Storytelling and Oral History Project

The Knowledge Workshop holds full or co-ownership of all items that it archives and publishes. Recordings published on the Knowledge Workshop website can be used only for cultural, educational and non-profit purposes, and never for commercial purposes.

To use the material on our website, including the oral histories and their related images, we ask that you always reference the Knowledge Workshop with: Storyteller's name, interviewed by Researcher's name, Date, The Storytelling and Oral History Project, the Knowledge Workshop, Beirut, Lebanon, page number. [Ex. Nazik Saba Yared, interviewed by Deema Kaedbey, 2017, The Storytelling and Oral History Project, the Knowledge Workshop, Beirut, Lebanon, pp 12.]

To use the limited-use items held within the Knowledge Workshop, you can visit our office in Furn El Chebbak and fill out a permission form. You can use these items inside the Knowledge Workshop space, but we request that you consult with us on which items you can use. Some of these items require permission from the storytellers before being used.

حقوق ملكية لمشروع الحكايا والتاريخ الشفوي

لورشة المعارف ملكية تامة أو مشتركة للمواد التي تؤرشفها وتنشرها. التاريخ الشفوي المنشور على الصفحة الالكترونية لورشة المعارف يمكن استعمالها فقط لأهداف ثقافية وتثقيفية لا تبغى الربح، ولا يمكن استعمالها لأهداف تجارية تبغى الربح.

لاستعمال المواد على صفحتنا الالكترونية، من ضمنها التاريخ الشفوي والصور المرافقة نطلب منكم التنويه بورشة المعارف كمرجع باستعمال: اسم الحكواتية، قابلتها اسم الباحثة، السنة، مشروع الحكايا والتاريخ الشفوي، ورشة المعارف، بيروت، لبنان، الصفحة. [مثلاً: نازك سابا يارد، قابلتها ديمة قائدبيه، ٢٠١٧، مشروع الحكايا والتاريخ الشفوي، ورشة المعارف، بيروت، لبنان، ص. ١٢]

لاستعمال المواد المحددة الاستعمال الموجودة في ورشة المعارف (الغير متاحة على صفحتنا)، يمكنكم القدوم الى مكتبنا في فرن الشباك وتعبئة استمارة الطلب. بالإمكان استعمال هذه الموارد داخل ورشة المعارف، لكن نسألكم ان تستشيرونا عن أي مواد يمكن استعمالها. بعض هذه المواد تتطلب طلب من الحكواتيات قبل استعمالها.

يارا أيوب: اليوم الجمعة ٦ تشرين الثاني ٢٠٢٠، مقابلة تاريخ شفوي نسوي مع هايا خوري. منبلش هيا، بتقدري تخبرينا اسمك الكامل وتاريخ ومكان ولادتك؟

هايا الخوري: [00:00:14] اسمي هايا الخوري، خلقاني بطرابلس ب24 نوفمبر 1994

ي.أ.: بتخبرينا شو في بذاكرتك عن المكان اللي عشتي فيه أول أيام حياتك.

ه.خ.: [00:00:31] نحن كمكان، ما عندي انتماء محدد لمكان معين، بس ذكرياتي بتاخذي لشارع الميتين بطرابلس ولي هو بيت جدي، بيت كثير كبير وكنا كل العيلة منجتمعه عنده، ويجو قرايبينا من السفر ويكون كأنو هيدا escape هيدا المكان اللي اخترعناه، ال safe zone تبعنا.

ي.أ.: بتخبرينا عن بيتك، عن الحي، شو عندك ذكريات من الطفولة

ه.خ.: [00:01:11] كذكريات، أكثر شي ذكرياتي بتروح للصيفية كأنو كانوا- بس ذكريات نحن وصغار إنو جمعناهن بالصيفية بس يكون عنا وقت فراغ، وكأنو كله لعب وبرات البيت أكثر من إنو بالبيت وعم نركض، أكثر ذكريات كانوا بالبحر ونكون نحن غروب أربع بنات قرايبين، وعم نركض بين مباني مهجورة ومنا خالصة عمار، بين الباركينغ، والطابق للطابق الرابع كان هيكي بناية كثير قديمة، وما في خوف بس ما كنا نخاف من الأماكن اللي أنا هلق برجع بروح عليها وأنا بهالعمر بنقز، يعني بخاف. عنا هيدولي الذكريات وفي ذكريات كمانا- أنا عايشة براس مسقي، يلي هي مش بالمدينة بعيد عن المدينة، وكانت بوقتها عايشين بكمباوند وما في بنايات حدنا كانوا كلو حرش أو مش غابات بس أكثر هيكي أراضي، وكنا كثير نركض فيهن كولا، وما كان عنا concept of time أبدا أو constraint of space.

ي.أ.: فيكي تخبرينا أكثر عن علاقتك بالحي، بالطبيعة اللي كنتي عم تخبرينا عنها؟

ه.خ.: [00:02:36] مثل ما قلناك، علاقتي منا كثير بالحي أو بالمكان ذاته بس أكثر بالعالم اللي نحنا اخترعنا هيدا المكان ال virtual إذا بدك، لأنو كنا نجي من different backgrounds منا كلنا لبنانية أو منا كلنا من نفس المنطقة أهلنا أو من نفس الدين، سو كنا نخترع هيدا المكان اللي نحنا أسسناه حسب نحن كيف بدنا ياه حسب كيف بدنا نشوفه. فيكي تسألني سؤال [تضحك].

ي.أ.: خبرينا أكثر البحر شو كان مثلا بيعنيك

ه.خ.: [00:03:15] بتذكر البحر كان هيدي يعني هي ال freedom هيدا النهار اللي بدنا نروح عالبحر وكان كل weekend مش انو مرة بالشهرين، بس كنا نجمع كل الطاقة اللي نحن منخزنها هيدا الاسبوع مشان نهار البحر نروح مثلا من الساعة 10 الصبح ما نرجع للساعة 8 بالليل، وكل الوقت ما عم نهدي، كل الوقت ركض ركض، وسباحة، وبتحسي انو هيدا هو المكان اللي عم تفرغي فيه كل طاقتك وكل الأشياء اللي إنت مخزنتيها حتى كولا، يعني نحن كولا ما المفروض يكون عنا هلق هموم أو أوجاع لنحس انو هيدي نهار البحر يعني رايحين نفضي ونحس كمانا عم نفضي عن أهلنا، يعني مش بس نحن كولا.

ي.أ.: تنقلتي بكذا بيت إذا فيكي تخبرينا عن هيدا الموضوع؟

ه.خ.: [00:04:09] personally لآ، أنا لهيدا العمر-- أنا لعمر العشرين، خلقت وربيت بنفس البيت، until نقلت على بيروت، ببيروت نقلت شوي بس ما بعنبر إنو تنقلت كثير بيوت، بس لأنو أهلي وأهلنا نقلو كثير بيوت، يعني وقتها إجو من سوريا علبنان أهل أمي، نقلو، ووقتها إجو أهل بيبي من فلسطين على لبنان كمانا تنقلو، so هيدي الخبرة إنو البيت هو ال safety net تبعك أو المكان وإنتماتك لمحل معين ما عنا اياها، لأنو نحن بحس وارتين هالشي من أهلنا يلي هني أهل خلقو بالحرب أو ربيو بالحرب، فعندنا كثير هيدا ال concept إنو مسوك غراضك وهروب، ما تتعلق كثير بالمكان، في عنا العاطفة definitely وهيدي العاطفة اللي at some point بتأذي، عاطفة للمكان بس أنا بحسها مربوطة أكثر عاطفة للمكان اللي إنتا اخترعته من ورا العالم اللي إنتا you're surrounded by. فكان عندي كثير، متعلقة كثير ببيتي، بطرابلس، بس ما كان -- كنت متوقعة يكون أصعب النهار اللي بدي فل، على بيروت خصوصي. ووقتها جيت على بيروت تعلقت أكثر ببيتي، بس حسيت إنو حتى النهار اللي بدي فل، عم فل، لأنو هيدا الشي نحن تعودنا عليه ووارتينه من أهلنا إن النهار اللي بدك تقل بدك تضطر، بدك تقل.

ي.أ.: كيف بتوصفي طرابلس كمدينة؟

ه.خ.: [00:05:45] طرابلس، بعنقد نحن كثير we personify the city يعني إن كانت طرابلس أو بيروت. وعلاقتي مع طرابلس كثير تطورت كل ما كبرت، يعني بتذكر أنا وصغيرة وقتها ما كنتي تعرفي عن المشاكل اللي بطرابلس كنت جيبها كثير كنت وين كل رفاقتي، بعدين وقتها توعي شوي وتعرفي قدي معقول في فقر بطرابلس قدي في تعصب قدي في قمع، بتصيري عندك هالغصة، إنو طرابلس كان فيها تكون غير، كان فيها -- كان عندا كثير potential حسيت إنو ظلمتني شوي، دفشتني يمكن، دفشتني على بيروت يمكن أنا ما كان بدي

روح عبيروت يعني نحن بتعرفي نحن بطرابلس بتخرجي أول شي بتعملي إنو بتقدمي على شغل برات طرابلس، لأنو ما في شغل بطرابلس وأخذينا هدي كأنو après acquis يعني، إنو اكيد مافي شغل بطرابلس، فحسبت هيكي إنو أنا وعم إكبر ما فيني كثير اتعلق بالمكان لأنو أنا عارفة at some point بدي فل. وبفكر عن طرابلس إنو منا ظالمة مثل ما العالم بتفكر عنه يعني منا-- وقتها حدا يقول طرابلس دغري منفكر إنو المدينة الإسلامية وكثير منغلقة على نفسها ويمكن at some point هيدا الشئ صح بس إذا انت خلقانة بطرابلس وتعرفي الشوارع بتعرفي الزواريب، مافي شي أحلى منها، مافي ألطف منها، مافي أكرم من شعبيها، بعدينا في، في هيدي ال dilemma إنو كل ما حدن يمكن قمعك من جهة، إنت عم بيولد عندك ال creativity وال spirit of questioning ومثل ما بتعرفي إنو في كثير artists من طرابلس طلعو من طرابلس، في كثير musicians في كثير thinkers طلعو من طرابلس يمكن- يمكن لهالسبب، لأنو it's very personal وعم تحديكي، يعني هيدي مدينة عم تتحدى ال creativity إنو عندك إياها، من إنو هي عم تحطلك حدود.

ي.أ.: شو في عندك بالذاكرة من شو كانوا يخبروكي أهلك اللي من سوريا أو أهلك اللي هني من فلسطين؟

ه.خ.: [00:08:14] من - أنا ما بعرف أهلي من جهة بيبي، من فلسطين ما تعرفت عليهن، so بس بعرفن بالأخبار، كان أكثر هيدي ال whimsical هيدي الأحلام و ما بعرف to what extent كانت صح، يعني وقتها بيبي يحكي عن أهله، بيحكي عن ستي اللي هي لهلق كثير بتأثر فيني مع إنو أنا ما بعرفها، بحسبها she's a great secondary character يعني، هي كانت فنانة وسافرت، درست بايطاليا عوقتها موسيليني دفعها ورجعو - رجعت كرمال تنزوج لأنو صار عمرها 25 سنة، سو أنا هيكي بعرفها بهيدولي ال memories وحدن كثير بيحلم وبيبرسم ومعلقة بالأرض، ووقتها اجت على لبنان رجعت على أرضها، كمانا، يعني كانت حدا كثير مسالم، كثير مسالم، فهيدي الخبرية اللي بعرفها عنها، ومن جهة جدي كان أكثر، في أكثر ظلم، جدي وقتها إجو على لبنان اشتغل بلبنان وأسس حاله، ووقتها الحرب الأهلية بأول يمكن أسبوع انصاب، وانشل، كانت ستي هي ال supportive ومع إنو، مع إنو انظلمو كثير، أنا بعرفه لجدي وما في أحلى من روجه بتحسي إنو ما في مشكلة وحتى لدرجة إنو أنا كنت عارفة إنو هو انصاب بالحرب، ما كان عنده هيدا الحقد، ما بعرف كيف he got over it بس كانت ذكرياتي معو كثير حلوة كأنو - وكان كل شي يخبرني عنه وعن سوريا، يخبرني كأنه قصص و fairy tales مش -وعن كبر بترجي بتكتشفي إنو أو لأ الحياة كثير ظالمتن، بس هني قررو وقتها يخبروكي هالخبرية يخبروكي إياها بطريقة حلوة، يكمن مشان هني ينسو الإشيا البشعة اللي صارت لإلن ويخترعو ذكريات جديدة حلوة ويقنعو فيا، وما بعرف شو كان السبب، بس كل ما اكبر كل ما ارجع فكر إنو أو ستي اللي حياتها كانت كثير صعبة اللي هي راحت حياتها كرمال، من ورا، من ورا وقتها جدي انصاب، هي خلص صارت مضطرة - إنو مضطرة تساعده، مضطرة تحط حياتها عجنب، تكرس كل وقتها لولادها ولزوجها، وتنسى حالها، يعني هي كمانا صارت a secondary character as well وقعدت بال background هي بس facilitator للحياة للعالم اللي حدها. وأي أنا كمرأة بلبنان اكيد بفكر بهل.. بسستي وستي كل يوم يعني.

ي.أ.: فيكي تخبرينا أكثر عن العيلة اللي جيتي منها اللي هيا اجت منها يعني؟

ه.خ.: [00:11:23] أنا جيت من عيلة كثير.. بفكر منا traditional بس مافي شي كثير outstanding فيها، تبنياتهن من طرابلس من غير دين، سو كان في شوية مشاكل بالدين أول ما أهلي تعرفو عبعض، بس أنا كبرت وأهلي ما قالولي عن هالمشاكل، يعني أنا لإلي كان إنو مافي مشكلة عن الدين ولا إنو بعرف إنو في عالم بتتخاقن عن الدين، فهيدا الشئ كان كثير حلو بس سبيلي شوية مشاكل أنا وكبيرة لأنو وقتها تعرفي هي شو الحقيقة وإنو لا بعد في حرب أهلية وبعدها العالم بتتخاقن من ورا الدين، هيدي كانت صدمة لإلي ولهلق بعدني ما يستوعب كيف هيكي، لأنو ولا مرة نحن بالبيت تخانقو من ورا هالشئ، والحلو هو إنو وقتها تكبري بهيك بيت وتبنياتن بيأمنو أهلي تبنياتن بيأمنو سو بيأمنو بكل الأديان، كان كثير حلو عنجد كان كثير حلو وكثير غنية كانت الطفولة، ووقتها انتي بتعايدي بChristmas وبرمضان ومنك عارفة الفرق أصلا، منك عارفة إنو هيدولي اشيا دينيين غير بعض، وكان عنا نفس المبادئ، يعني أهلي من العيلتين كان عندن نفس المبادئ بالحياة إنو كون منيح، ما تظلم غيرك وهيدا جايي partly من الإيمان و partly من أهلن شو علموهن كمانا. بفكر الظلم اللي هني قطعو فيه عملن ألطف كعالم وعندن حنية أكثر اللي هي كمانا اصرو إنو يمرقوها لأولادن وأحفادن. كان عنا نحن هلق بالعيلة كثير عنا فنانين، يعني it's an artistic family فكان عنا دائما هيكي sensibility للفن وال culture وأنا كثير بحس حالي محظوظة إنو ربيت بهيك عيلة، ومش عن كبر تعرفت عالفن والثقافة، ربينا فيين، يمكن عملتلنا شوية مشاكل عكبر مثل ما قلتك لما تكتشفي إنو شو عنجد هي الحياة وشو عنجد إنو المشاكل اللي انتي برات بيترك موجودين، جوات بيترك من موجودين فيمكن ما تحضرنا هلق لالهن، لقساوة الحياة وقساوة العالم، هيدي اي كانت مشكلة وقتها تطلعي من هيدي العيلة والمكان اللي انت اخترت عتبه اللي it's a safety net بترجي بتكتشفي إنو برا بدك بترجي تعلمي مع غير عالم بترجي تأسسي هيدي ال safety net أبه صعبة، لأن بيكون عندك ثقة بالعالم مثل ما بيكون عندك ثقة بعيلتك اللي هني ما أنوكي وكانو كثير مناح معك، بتفكري إنو انت فيكي توثقي هيك بالعالم برا، بس ما دائما فيكي.

ي.أ.: انت قلتي إنو تعلمتي بطرابلس ويمكن درستي كمان جامعة بطرابلس ولا ببيروت؟

ه.خ.: [00:14:43] لأ درست بالبلند

ي.أ.: بتخبرينا اكثر عن شو في بذكرتك عن المدرسة من علاقتك مع الطلاب رفقاتك وعلاقتك مع الحي اللي كانت فيه المدرسة، ومن بعدها الجامعة.

ه.خ.: [00:15:06] أنا كنت بال lycée فكان شوي غريب، لأن بتعرفي بال lycée العيل شوي انو مرتاحة أكثر، أكثر من عيلتي، وكان في كثير سياسية وكان في كثير أجانب حتى بالمدرسة، فكان عندي أكيد هيدا ال complex انو أنا بالمدرسة عم كون مع عالم كثير مرتاحين، نمط عيشتن غير بيوتن غير، الإشي اللي بيحكو فيا، السفر اللي بيروحو، كان شوي ما فيني أعمل it wasn't relatable لإلي، ما كان projection لحياتي اللي أنا عايشينا بالبيت، وكان أكيد في أشيا كثير in common هلق بس الولاد عندن هيدي ال flexibility انو يعملو، ينفصلو شوي عن العيشة اللي بيعيشوا مع أهلن خصوصي بالمدرسة، لأنو بتلاقي التلاميذ بيلاقو إشي in common بيناتن، أو كانت الهوايات أو الإشي اللي بيحبوا حتى مثلا الصفوف اللي بيحبوا بيصبرو عم تخلفي انت bubble بالمدرسة وحدك. أنا كان عنا غروب رفقاتنا اللي كثير رفقا وقربا، وذكرياتي بالمدرسة حلوة مع إنو ما كانت، يعني مش انو بقلك كنت أكثر إنسان يضره وعندي كثير رفقا لأ، كان مش متوحدة بس انو ما كثير انخلط مع العالم، وكنت حس انو أنا عندي أشيا غير لأنو أهلي بركي من غير دين أو لأن نحن more artistic وكنت حس انو اللي معنا منن هلق، بس بعدين كل ما تتعرفي على رفقا وعلى تلاميذ جداد بتصيري تكتشفي انو اه اوك هيدا بيثبهنني أكثر، هيدي انو مثلا مايا بتثبهنني أكثر اوكي رح اضهر مع هيدولي، وهيدولي الرفقة اللي بيصلو معك للجامعة واللي ضلو لهلق حتى معي.

ي.أ.: خبرينا أكثر عن الجامعة؟

ه.خ.: [00:17:15] الجامعة، الجامعة بكتشفي حالك أكثر، لأنو أول شي انت عم تنقي ال domain اللي انت فيه، أنا فتت interior architecture and design, so already كنت ب arts school وفجأة كنت بانو مدرسة، شي بدو يعمل engineering شي بدو يعمل medicine كنا ما كثير نشبه بعض، فجأة صرت ب entourage كلنا عنا نفس ال interest كلنا منعب الفن، كلنا منحكي نفس اللغة تقريبا، نفس الأفكار. الجامعة كانت كثير حلوة، كان أول مرة بشتغل officially وبصير طلع مصروفي وكان عندي هيدي ال independence حتى لو أنا بعدني عايشة مع أهلي، بتتعرفي على أساتذة الجامعة وبتشوفي هني كيف صارو وكيف، يعني عم تحكي مع عالم أسسو حالن وحلمو وكبرو واشتغلو حالن، و they're very inspiring وهيدول الأشخاص اللي بيصلو بحياتك وبيصلن inspiration بشغلك وكل ما تشتغلي شي بتحبي رأيهم- بيهمك رأيهم. وبالجامعة هو أول، first time for everything يعني أول projet بتسلمي، أول مرة بتحبي مثلا، أول مرة بتسوقي حتى، يمكن. سو اي definitely أثرت فيي الجامعة و it shaped me as the person اللي هو أنا، هلق كثير بشبه حالي بالجامعة بس ما بشبه حالي بالمدرسة مثلا.

ي.أ.: كان سهل عليك اختيار التخصص بالجامعة؟

ه.خ.: [00:19:00] بعتمد اختيار التخصص كان، كان سهل، لو هلق برجع بدي اختار التخصص ما بختار interior بس ما بندم. أنا إخواني فاينين كمانا فن، graphic design w computer graphic فأنا كان هيدا ال major اللي فضل، الثالث هو interior. بعتمد إنو، أكيد ما بندم لأنو architecture و interior هو أكثر mode de vie يعني، كيف بتتصرفي كيف بتاخدي project كيف you present it كل هيدولي أنا أخذتن وما في، أكيد ما بندم عليها، بس بحس there is more to it يعني أنا هلق ما بشتغل بال interior architecture بشتغل أكثر social design, social work, story telling بس أكيد بقول إنو الجامعة كثير هينتلي لأوصل للمحل اللي أنا فيه هلق.

ي.أ.: وبس انتقلت على بيروت، فيكي تخبرينا كيف بتحسي تغيرت حياتك؟

ه.خ.: [00:20:09] بيروت... يعني إنت بتعرفي، بيروت بتحسها حدن ظالم، بتحسي it's a toxic relationship مع حدن كثير بتحبيه بس بتعرفي قدي عم يأيديكي، بس بتعرفي إنت انو your inspiration و your muse طالعة منها، من هالشخص، so بدك تضلك معو وبدك تضلك عم تاخدي منه وتعطيه، بلا تقدير، at some point وفجأة يبجي نهار بتحسي أحلا نهار بحياتك وقتها بيروت بتقدرك وبيروت بتعطيك something in return. سو أنا صارلي خمس سنين بهيدي العلاقة، ويعرف إنو ماني الوحيدة اللي هيكي، بعرف إنو كلنا هيكي، في هوس لبيروت و for some reason وما بفنكر it's the place geographically, نحن ال projection تبعنا شو عم نعطي لبيروت ونحن شو بدنا لبيروت تصير، يعني، إذا بتعرفي بيروت منا، ما كثير العالم من بيروت، كلن يا من الجنوب يا من طرابلس يا من الضيع، نحن أسسنا بيروت، سو حسيناها إنو هيدي هي ال utopia of the places هيدي هي المدينة اللي عم تجمع عالم من مختلفات ال backgrounds وعالم ما بتشبه بعضن بس عندن إشي in common وهاي هي بيروت. فيبيروت كثير أثرت عليي وأثرت كثير على شغلي وأثرت على علاقتي مع العالم، علاقتي مع الشباب، أثرت على حالي أنا كمان كيف، كيف بحكي، كيف بتصرف، الثقة بالعالم مثل ما قلتنك، وقتنا تكوني بطرابلس بتوثقي بالكل، العالم طيبة، بس بيروت لأنها صعبة العيشة فيها، فما فيكي توثقي بيمين ما كان كمانا. بس بفنكر كمانا، لأنو بيروت كثير inspiring ففتحتلي هيكي باب أنا ما كنت عارفة موجود ويلي هي الكتابة، وأنا بلشت إكتب ببيروت، يعني بطرابلس كنت أكثر ارسم، بالجامعة كنت ارسم كثير، ببيروت بلشت اكتب. وأغلبية الإشي اللي بكتبها

خصها ببيروت، ومنا اشيا حلوة. يعني بتز عل. بس بتز تاحي once بتكبيهن، وبتز تاحي أكثر بس تحسي انو مش بس انت اللي عم تحسي هالش، انو العالم بتشبه بعض، وعم نقطع كلنا باشيا كثير بتشبه بعضا ببيروت.

ي.أ.: ببيروت، يمكن كانت أول مرة بتتركي بيت أهلك وبتنقلي على مطرح يمكن بتستقلي فيه أكثر. خبرينا عن هيدي التجربة بالتحديد انك تلاقي البيت وتسكني ببيت جديد، خبرينا عن البيوت اللي تنقلتي فيهن.

ه.خ.: [00:23:02] اوكي. أول ما نقلت على بيروت، بتعرفي كانت أول مرة بعيش وحدي، فكنت عم دور على بيوت، ولاحظت أنا على حالي I'm attracted يعني، انعجب بالبيوت اللي عندها شي مكسور، broken at some point أو يلي هي بفرن الشباك أو عين الرمانة اللي obvious انو كان في حرب فيها، وبحب البيوت القديمة اللي سقفها عالي، عندها كثير مشاكل، و it has a charm وبس أكثر عندها قصة تخبرك ياها، بحس انو هيدول البيوت، لأنو let's be realistic بتشبهنا، نحن جايين من عيل ومن أهل قطعو بحرب، يعني نحن تربينا على أخبار حرب، وشوية معاناة بس كمان survival ف personally أنا حسيت انو إذا انحطيت بأوضة كثير نظيفة، شبابيك مرتبة view تمام، الأرض تمام، ما بحس عندي أنا relation مع هيدا المكان لأنو ما يشبه ال memories تبعي. ما بعرف إذا عم توصل الفكرة. فأني كنت إنعجب بهيدول البيوت اللي عندها قصة، اللي - حتى ما بيز عجنني وما كنت لاحظ منظر ال bullet holes بالبنائيات. عن كبر، ووقتها تعاشرني عالم جايين من برا، وهني يدلوكي علين، بتصيري اه بتلا حظيين، انو اه ليك هيدا آثار الحرب، ما كان يز عجنني هالش.

ي.أ.: خبرينا عن البيوت اللي سكنتي فيها.

ه.خ.: [00:24:45] سكنت... أول ما نقلت عبيروت نقلت مع اختي، على شهرين، رجعت نقلت على بيت ثاني بفرن الشباك مع بنات، كنا ٦ بنات ما بعرفن، واي كتشفت-كتشفت عالم وأخبار أنا ما كنت... يعني ما كنت سامعة عن عالم، أو من الضاحية كنت، أو من المخيم، عالم من برمانا، كنا عايشين حتى مع بنت من أفريقيا، إمها أفريقية بيها لبناني، وكان عندها كمانا complex انو هي لمين بتنتمي، ما بتس حالها لا أفريقية ولا لبنانية، أنا كنت من طرابلس، سو كان هيدا محل، a space for interaction نكتشف بعض، نتعرف على عالم ولا ممكن كنا نتعرف عليه، غير بهيدا البيت، يعني عم تحكي عالم من الجنوب عالم من طرابلس، من البقاع كان في، كنا جايين وجايين معنا ال baggage وجايين معنا مشاكلنا وعم نفردهن عالطولة ونشوف مثلا اه اوكي هيدا منشه بعضن بهون، هيدا I share this with you هون مشاكل مع أهل عندها ياها اوكي أنا فيني ساعدك بهالمحل، إنت فيكي تساعديني بهون، وعملنا مثل كأنو عيلة، عيلة غريبة، بس كثير حقيقية. بقيت بهالبيت تقريبا شي 7 اشهر، بعدين حسيت لأ بدني، بدني شي مستقل أكثر. يعني اوكي مرقت بهيدا الجنون اللي بعدنا عم نكتشف بعض وإتعرف على عالم وإتغير وصير أكثر tolerant to what's different بعدين نقلت على البيت اللي بقيت فيه خمس سنين تقريبا، أربع سنين sorry، يلي هو بيت أرضي بفرن الشباك، قديم مع بلاط شعيا وجنيبة. وكنت كل سنة قول، لأ، بدني فل هالسنة، لأنو بيت كثير قديم وعنده مشاكل، وعالقليلة قلت رح فل شي سبع مرات وبقيت فيه، لهلق باقية فيه، لأنو تعلقت فيه وتعلقت بمشاكله وتعلقت بال charm تبعه، وبتتعلق بال memories اللي إنت عملتيا فيه، وخصوصي انو البيت القديم بياخذ يعني، كل حدا بيوفت عالبيت بتترك ذكرى فيه، سو اي تعلقت بالذكريات.

ي.أ.: هيدا البيت اللي حكيتي عنه، قأتي ثلاث اشيا، السقف عالي، البلاط، والجنيبة —

ه.خ.: [00:27:38] — اهم

ي.أ.: — ليش اخترتي هول الثلاث اشيا، وشو بيعولك لحتى يمكن أكثر شي معلقين بذاكرتك؟

ه.خ.: [00:27:46] اي. أنا definitely حدن claustrophobic ووقتها تعيشي ببيروت بتصيري أكثر claustrophobic قد ما في عالم، عالم عم تمشي سريع وفي عياط وفي صرخ وفي كهربا قطعت وفي مي نقطعت وبك تدفعي للانترنت وبك تتخانقي مع هالشخص. وهيدا السقف العالي أنا عطاني هالنفس يلي أوقات وقتنا ينقطع نفسي من ورا الضغط، كنت هيك فجأة ارتاح انو اوكي. خدي الأمور ببساطة وبتقطع. الأرض، عندي كان هالهوس بالأرض بالبلاط شعيا وال hand-painted tiles. وكل اوضة غير بلاط، يعني الحمام بلاط المطبخ بلاط، اوضتي بلاط. ف... كنت هيكي لهلق بسررد علين يعني بطلع عالبلط وبياخذني، بروح، بروح بمحلات غير بأفكار يعني، بشطح بأفكار في محلات، بس ليش؟ ما بعرف. يمكن بياخدوني للإيام اللي انبني فيه هيدا البيت اللي أنا ماني عوقتها. يعني البيت أكيد عمره أكثر من ٦٠ سنة. فبصير بفكر انو اوف مين بناه، وكيف تنقو هيدي النقشة، وحتى بلاط انو الحمام جديد، يعني الحمام تعمر جديد، بضلني بفكر انو وقتها تعمر البيت، ما كان فيه حمام. وين كان الحمام. اي هيدول اشيا بفكر فيا، والجنيبة، لأنو وقتها - وقتها... وقتها تحكي عن مدينة بتفكري دغري بنايات، واوتوستراد highway ما بتفكري بجنيبة، أو بمساحة خضرا، حتى مساحات عامة ما في كثير مساحات عامة عنا نحن ببيروت، فأنا بهيدا البيت كنت حس حالي انو، اوكي مش هيك ما حدن قلي انو هيك شكل المدينة بس هيك هي المدينة. مدينة غريبة فيا تكون وفيا تكون بتشبه الغابة وفيا تكون بتشبه الضيعة كمانا. لأنو نحن عم نعمل المدينة ونحن كلنا مش جايين من نفس ال background مثل ما قلت، فكل واحد عم بيزيد ال input تبعه يعني العالم اللي جايي من الضيعة جابت معها نغمة من الضيعة،

العالم اللي جاية من ما يعرف جابو - كل واحد عم بيحبب معه شوي من ال baggage اللي هو أصله منه. فجينة كان شي كثير مهم لإلي مع إنو الجينية منها - منها ولا حلوة ولا مرتبة وهيكي شوية خراب، بس كمان مثل ما قلت، ما عندي مشكلة مع الخراب.

ي.أ.: حكيتلنا كمان عن فرن الشباك، وإلك تقريبا اربع سنين —

ه.خ.: [00:30:40] — خمسة

ي.أ.: — خمس سنين، بتحسي إنك لقيتي حالك بهيدا المكان مثل ما انتي عشتي عشرين سنة بالحي اللي فيو بيتكن؟

ه.خ.: [00:30:50] امم اي. كثير صحيح هالشي، حسيت فرن الشباك مش بس welcoming بس حسيتها كثير طبيعية، يعني كثير natural فيا تعصب. فيا تعصب أكيد، بس كمانا هيدا الشئ كثير مقبول لأنو العالم فيه عالم متعصبه وهيدا الشئ we need to accept بس حسيت فيا كثير بساطة، فيا، فيا variety يعني عندك البيوت والعيال الغنية وعندك بيوت عادي popular و affordable كثير. عندك ال accessibility اللي، اللي هي ما بين الضيعة وما بين المدينة، مثل السوبرماركات وبين ما كان، مينيماركت، العالم بعدها لبعضها. في شي بيز عجنى بفرن الشباك هو الخبريات انو الكل بيحكي عن الكل، بس كمانا هيدي حتى هيدي الشغلة بتحسي إنو العالم بتهتم بالشخص الثاني، بعده الجار إله قيمته، بعدها العالم لبعضها يعني.

ي.أ.: حكيتي عن خبرة الجيران، شو بيغنيك يكون عندك جيران، شو ذاكرتك يمكن من جيرانك بطرابلس؟ بتحبيهن بتكرهيهن؟ بتحبي يكون عندك جيران؟

ه.خ.: [00:32:22] هلق نحن كنا عايشين ببناية عندك توفقا فيا لأنو، عندي جيران ختايرة، وعندي جيران فرنساوية وكان عندي جيران طلاب من لبنان وسوريا وبنفس الأعمار. عندي جيران المزعجين، عندي الجيران اللي بيضلو يلعبو بيليارد للساعة ٣ الصبح... ف... كان حلو هيدا ال mix حسيت انو هاي هي الحياة انو في اشيا بتزعجك وفي اشيا بتريحك وانت أكيد عم تزعج جيرانك بمحل ما، فمثل ما انت عم تزعج وهي متقبلين انت بدك تتقبلي كمانا، ويصير part of your daily routine انو، منا مشكلة بتتخاقي مع الجار عقازان بترجعي بتتصالح معي، صار في نقة أهلية هيك أهلية محلبة بين الجيران، وأكيد بتذكرني بأيام الطفولة وقتها كنت بالمشروع عند أهلي. نحن كنا كلنا ولاد كل الحي يعني منجتم مع بعض نلعب مع بعض، نتخاقي كثير مع بعض، كان في هيدي البوطة ضد هيدي البوطة مثلا، بس آخر النهار نرجع كلنا نلعب مع بعض و. we break down all the barriers عندي اي امم... عندي this personal they are shaping the space that you attachment for people more than place or space itself . are in

ي.أ.: كيف يعني they are shaping the space؟ كيف انتي بتشوفي هيدا الشئ، بتشرحيلنا اياه او بتوصفيه؟

ه.خ.: [00:34:05] اوكي. يعني إذا هلق أخذتي فرن الشباك، وشلتي منها كل العالم، شو صفت؟ صفت شارع فاضي، ما عنده طابع، ما بتعرفي what it reflects. اوكي، يمكن في كنانس، في محلات، يمكن تفكري اوكي شارع فرن الشباك شارع كثير مسيحي مثلا، إذا بتشيلي السيارات وتشيلي العالم بتقولي هيدي محل كثير رواق، ما في شي يعني، بتروحي هونكي بتريحي راسك، زيدي العالم زيدي الخبريات، بتحسي إنو لا it's a beautiful mixture عالم من كل الطوائف، عجة، عجة كثير عالية وزمامير وقصص وخبريات ومشاكل وأعراس... هي عطتها الحياة. بحس هيدا هو ال effect تبع العالم اللي هني عم يعملو they're shaping the space بالخبريات اللي عندن بال stories... بال what they have to offer

ي.أ.: بتحسي انت بمحل معين عملتي هيدا التغيير بالمكان؟ وكيف إذا بتتذكرني .

ه.خ.: [00:35:25] اوكي رح خبرك خبرية، أنا عندي أربع أشخاص بفرن الشباك ما يعرفن وما يعرف اسميهن، بس إذا شفتن بيغيرولي نهاري. وهي أربع أشخاص كبار بالعمر. وكل واحد منهم caractère يعني... كثير بحب قدي نهار معهن بس لأعرف هني كيف بيشفو هالحياة، كل واحد كثير غير عن بعض، في امرأة يمكن بالسنينات، بتضلها بتلبس تايبور أحمر كل يوم، وبتمشي بس بتمشي بفرن الشباك، وبتضلها منز عجة مز عوجة من شغلة. في عندك ختاي، أي ساعة ما طلعت من برات البيت، انشالله اربعة الصبح بيضلو عم بيمشي كلبه، وهو ختاي يعني كثير كبير بالعمر. وعندك هيدول الخبر العالم اللي أنا I wonder how they live their life. and I hope أنا عندي إحساس إنو مثل ما أنا بشوف هيدولي العالم، في عالم بتشوفنا وبتقول هيدا الشخص يمكن أنا مؤثرة بحدن بلا ما أنا أعرف، يمكن المينيماركت اللي بقطع عليا بجيب التفاح مثلا يمكن هي عندها بتتبسط بس لتشوفني، أو حتى لو بتضايق بس لتشوفني بس أنا عملت effect عليها. و I like to believe إنو حتى جيرانني أنا اللي ما عندي يمكن daily conversation معهم بس عنا إتفاق a common agreement إنو هني مبسوطين مني أو مرتاحين معي إنو نحن تقريبا عايشين مع بعض، و vice versa فهيدا حلو وقتها تعرفي إنو إنت مؤثرة بحدن وانو حدن هو مؤثر فيكي بلا ما هو يعرف حتى.

ي.أ.: طب المكان، قدرتي تغيري شي بالمكان؟ [؟؟؟ غير مسموع؟؟؟] المكان، بتتتمي؟

ه.خ.: [00:37:09] المكان اللي أنا عايشة فيه كثير تغير، وكثير we influenced it يعني نحن نقلنا على بيت، الله يرحمها اللي عايشة فيه توفت، كانت كبيرة بالعمر، وكان بيت بتحسي فيه- سوري بس فيه ريحة موت، فيه ريحة- في شي كثير قديم فيه، كله صور عالم عالحيان متوفائية، في خريطة للبيت وقتها تعمر البيت، كان في كثير رموز دينية، كان في بلاتنات مثلا ميتة، كان في سجاد قديم، وكان في ريحة ما بنسبها ريحة خشب قديم، وهلق إذا بنفوتي عالييت، it's more of a concept store أكثر عملناه pop art يعني صحيح عندك الأرض قديمة، بس في modern furniture البلاتنات عايشة، في ألوان حتى دهنا حيط أصفر بس تنزيد حياة لهيدا البيت، وبفتكر هلق صار أكثر مش بس ببشبهني، بس... أكثر real انو it's very reflective لكل شخص بيوفت عالييت، whether it's me أو حدن تاني، لأنو نحن كلنا عنا، كثير معلقين بال culture تبعنا وبال memories وبال stories اللي نحن وارثينا من جدونا، فبحس وقتها هلق فوت عالييت تبغي، كأنه كل يوم أنا عم تجيني هيدي العبطة من جدي وستي مثلا، إنو اوكي نحن we're here, we're here من ورا الأرض من ورا البواب القديمة، الخشب القديم بس انت كمانا you're here لأنو انت حاطة ال effect تبعك، يلي هو بركي من الرسومات الجديدة أو الطاولة الجديدة، سو حسيت إنو يمكن هيدا ال mix of old and new... it's very healthy لأنت تعيشي بهيك محل and very honest وقتها بتعترفي انو انت يمكن you're broken at some point بس انت شو عم تزدي عال... شو عم تزدي اشيا positive عهدا space تتخلي أكثر ببشبهك.

ي.أ.: بتحسي انت مثل اخترعتي مكان جديد أو بعدك عم تنقلي مكان عشتي فيه قبل لمكان تاني كل ما تنقلي؟

ه.خ.: [00:39:41] من فترة أنا من شي أربع سنين كنت اشتغل بالخشب، recycled wood وعندي كان هيدا الهوس انو اشتغل بشي عايش حياة قديمة قبل، وبفتكر هيدا الهوس إجا قبل من أنا جاية من عيلة بياامنو بال reincarnation. so growing up وقتها تسمعي أخبار ال... ستك وجدك أو العالم الكبيرة بالعمر ببخبروكي ب in a casualty عم ببخبروكي عن حياتهم اللي قبل وهني مقتنعين، وانت مش in denial لأنو انت مبسوطه، أنا كولد، كينت صغيرة كنت اتطلع بهي المرا الكبيرة بالعمر وعم تخبرني إنو هي بحياتها اللي قبل شو صار معها، كنت كثير fascinated إنو at some point حتى لو أنا ماني مؤمنة بشو هي عم نقول بس كنت كثير انبسط بهالخبريات اللي امرأ كبيرة بالعمر راحت عليها الحياة لأنو هي امرأ ببلد عربي، قدرت لحالها تخترع هيدي الحياة. سو من هوني، صرت حس إنو أنا بحب هيدا ال part of the identity يلي you can also share with others. اوكي تارجع ابرم بالحديث، كنت اشتغل بالخشب، وكان عندي شي اسمه idem. Idem هو the identity you have but you also share with — is the shared identity others. يعني الاشيا اللي، بتعمل مني my identity. بس also بتخليني إشبك. مثل مثلا شعري وشعرك. تنيناتنا عنا شعر مثلا نفس اللون. بس هيدي كمانا فيا تكون ال memories تبعولي وال memories تبعك. إذا هني ببشبهو بعض، يعني نحن our identities صارو ببشبهو بعض. ترجعي عيدي السؤال تارجع...؟

ي.أ.: بتحملي مكان معك؟

ه.خ.: [00:41:35] اي. ف exactly وين ما روح أنا، حاملة معي هيدي ال identity تبغي، بس حاملة كمانا ال memories تبغي، وبحس عم جيب هالقصص وهالافكار، وهال... أوقات في قصص مختر عينا يعني، imagined. imagined memories and imagined stories انت عم تحملي معك وعم تاخديها عالييت الجديد أو انت عم تاخديها عال espace اللي انت عم تقعد في فيه، حتى مع العالم اللي انت عم تقعد معهم.

ي.أ.: ممكن يكون أكثر شي ملموس يمكن شكل غرفة معينة، لوحة حملتيا من بيت لبيت، قطعة... شي صمده يمكن، بتحسي أخذتية من بيت لبيت، إنو ببحسك بذكريات معينة، بأمان؟

ه.خ.: [00:42:25] اي أكيد definitely. بعنقد أقرب شي لإلي personally هو المخدة والغطا، وهيدي يمكن كان أهين شي اشترين من بيروت، بس لا أخذت الغطا تبغي والمخدة تبغيتي من طرابلس، ووقتها أخذتهم بال... بالكونيكس يعني بالوسطة وكان ليكة، يعني كان كثير أهين لو اشترين يمكن من، من بيروت. سو هيدي بتحسي أخذتية هيدي ال safety net أخذتيا نقة من بيتك، وعم تنقليا من بيت لبيت. في هيدي وفي كمانا الاشيا الملموسة اللي يمكن هي رمزية بس نحن ما منعليا هلق أهمية اللي هي كل شي مونة، وأكل، الزعتر اللي بتجيب من البيت، easily نحن- أنا easily فيني شيل الزعتر مثلا من أكلي، مش إنو هلقد بشتاق للزعتر، أو إنو مضطرة أكل زعتر، بس كل ما أكل زعتر أو مكدوس أو زيتون إنو هيدي اشيا بتأخذك على - على بيتك القديم، بتأخذ على طفولتك بتأخذك عند بيت جدك، بتأخذك عال simplicity of -of your memories تبغولك. وبحس هيدي ال they're fundamental بحياتي هلق. وهيدي اشيا اي ملموسة بتأخديا من بيت لبيت.

ي.أ.: في شي بتربطي بال... يمكن بلون معين، بريحة معينة، بطرابلس وبعدين بترجي ببيروت أو كل مدينة إلهي يمكن شي تاني؟

ه.خ.: [00:44:11] في شي هلق قلتي إنت وذكركي بال -- بتعرفي طرابلس ريحتها ليمون، كل شوارعها عندهن ريحة ال orange blossom. و... ما يعرف شو هال coincidence أو أنا نقيت البيت من ورا هالشي بس البيت اللي أنا هلق عايشة فيه في عندي شجرة

orange, orange blossom ووقتها تزرع بتعطيني نفس ريحة طرابلس، وأنا ما كنت عارفة إنو عندا كل هال effect علي، بس كل ما تعيشي بالبيت وكل ما تتعلقي بهالريحة وتجربي to analyze هيدي لي هلقد أثرت فيكي، بتصيري كتكتشي إنت تعلقك بالمكان اللي إنت كنت فيه قبل. ووقتها عرفت هالشي كمانا رجعت جبت شجرة عطر الليل، اللي هي وين ما بتروحي بطرابلس كلها شجر عطر الليل، وبالليل كلن بيزهرو، رجعت جبت شجرتين عطر الليل اي هلق زدن عال... عالجنينة عندي ففي الريحة أكيد بتأثر.

ي.أ.: طيب خبرينا أكثر، شو حسيتي فرق بين بيروت المدينة وطرابلس المدينة لأنو هني هودل يمكن أكثر مدينتين اختبرتين بحياتك؟

ه.خ.: [00:45:30] طرابلس هي الأهل، يمكن الأهل صارمين شوي، أو أهل على قدن، أنا هيكي دايمًا بجرب عاملهم كأشخاص، بقلب المدن لأشخاص. فطرابلس ما بتشبه أهلي، لأنو شوي صارمة، شوي فيا تعصب، ما فيها كتير إنفتاح، بس at the same time بتعطيني loop holes يعني أعلى المحلات اللي أنا رايحة عليين، أحلا cultural hubs أحلا محلات ثقافية أحلا أسواق هني بطرابلس. بس أشبع كمانا شوارع وأظلم حياة، وأكثر شي فقر، هي بطرابلس. فعندي هيدي الحنية لطرابلس، بحسها هي بذاتها انظلمت. وبحس بدنا support أكثر، وفي دايمًا هيدي ال... ال guilt إنو نحن كلنا اللي قدرنا نتعلم ونشوف شوي برات طرابلس، كلنا تركنا طرابلس. فأكيد في هيدا الظلم، مش ظلم، ال guilt يعني، إنو شو كان صار يعني لو أنا بقيت بطرابلس، بعدين بتجي على بيروت، بيروت مثل ما قلناك هي علاقة، بحس حالي أنا على علاقة مع شخص very passionate بس very toxic. وكل ما اتضايق كتير من بيروت، أول شي بعمله هو بروح عطر طرابلس، بحس عم روح عند أهلي يعني. ونفس هيدا اللي صار بوقت ال explosion. إنو أول نهار ما قدرت إستوعب، رحت على طرابلس. عندي هيديكي ال escape.

ي.أ.: طب كيف بتوصفيننا أكثر هيدا الشي اللي بتشوفي بشوارع بيروت، يمكن قصص من بيروت، بتخبرينا إياها بالأحياء، بالبنائيات؟

ه.خ.: [00:47:25] إذا بدك رح كمل هال comparison لأنو طرابلس هي مبنية... كتير عندها — يعني on an urban scale بتصيعي بطرابلس. بتعرفي الشوارع، مبنية تقريبا كليانا يمكن بنفس الوقت سو بتعرفي إذا رحتي من هالشارع لوين رح توصلي في roundpoint في significant point. بتوصلي على بيروت بتلاحظي إنو يمكن كل ثلاث سنين نبنت part منها. ففي chaos رهيبه. ويمكن لهيكي بتجي كل العالم على بيروت مش بس للشغل بس لأنو بتشبه ال chaos اللي هني عم بيعيشو فيه. يعني بتلشي بشارع بتكلمي فيه فجأة بينقطع، بتطلع بناية، في كتير pollution بس بتروحي على شارع ثاني بتقولي اوف، شو هالخضار وشو هالبنائيات الحلوة، بتقطعي كيلومتر بتروحي على حي كتير فقير، كتير خراب، بنايات قديمة، شي هابط. سو هيدي الضياع و this chaos is crazy يعني it's crazy بس بتستوحي كتير منه.

ي.أ.: كيف بتحسي هول المدينتين أترو عليك؟ عملو هيا، يعني كيف طرابلس شو عطتها لهيا بيروت شو عطتها لهيا؟

ه.خ.: [00:48:49] طرابلس عطنتي إنو كون سموحة، كون حنونة، ومنيحة خصوصي مع الفقير. ووقتها — أو المظلوم. لأنو بحس عنجد مظلومة طرابلس. بيروت عطنتي الجراة والقوة ويعني مثل ما قلناك بتندعكي ببيروت وتصيري بتعرفي، بتعرفي الحياة بتعرفي مين توثقي مين لأ، بتعرفي — وإلك قلب تجني. لأنو بتحسي إذا هي المدينة مجنونة إلا ما إنت تقدري تكوني مجنونة يعني. it's fine. عطنتي أفكار يعني بتخليكي تحلمي، بيروت فيكي تحلمي فيا قد ما بدك، وقد ما بتضلها بتسكر يمكن، كتير أوقات بتسكر بوجك الباب، بس فجأة بتشوفي فتحت بوجك. و you dream of يعني بتعطيني اشيا إنت ما كنت حتى حاملة فيهن. يا هني إذا عرفناك على عالم كتير inspiring أو محلات كتير حلوة، قصص منك سامعنا قبل، فهيدا الحلو، هيدا الحلو ببيروت، definitely تنيينان أترو فيني مثل ما قلناك إنو forgiveness ومسامحة ولطف من طرابلس، وال passion for life وال fight هيدي نحن عنا، بتحسي كل العالم اللي our generation especially يللي عايشة ببيروت عندن روح ال fighting for يعني إذا بدنا شي نحن منخائق لنوصل لإله، ومنحلم.

ي.أ.: حكيتي كتير عن آثار الحرب عن الأماكن اللي فيا إشيًا بتذكرك بالحرب وإنت يمكن ما خلقتي بالحرب، ما بعرف إذا مرقت عليك حرب، لي هيدا الشي موجود بذكرتك؟ كيف بتربطي بالذاكرة؟

ه.خ.: [00:50:57] أمم اي أنا لأ ما قطعت بحرب، وكانت طفولتي حلوة، بس the fact إنو جدي أنا انشل بالحرب وإنو ستي راحت حياتها من ورا هالظلم، أكيد أثر علي كثير بالحياة. the fact إنو أنا جدي وسني من جهة بيبي أنا ما بعرفهم، واضطرو يتركو كل بيتهم وكل شغلهم بفلسطين ليجو على لبنان، يرجعو بلبنان يقعدو نص الوقت بالملجأ، وأنا ما اتعرف عليهم ما بعرفهم، هيدا أكيد أثر علي. فكيف بتربي، يعني أهلنا نحن عاشو بالحرب، وربونا عهالأساس. مش عأساس إنو حرب وخبرونا عالدما والأصوات وهيكي لأ، بس في عقلية - definitely عقلية حرب كانت بطريقة تربياتهم لإلنا، يلي هني، في إشيًا منن كثير حلوة. لأنو هني وقتها قعدو بالملجأ كل الوقت وكان هوني تطورت علاقتهم مع الجيران، صارو أكثر مسامحين more caring, more understanding هيدولي الإشيًا عطونا إياها، بس at the same time هني أخذو إشيًا بالحرب يلي هو عندن صار ordinary مثلاً، صار في قصف، بتمسكي غراضك وبتنزلي عالملجأ. أو بتمسكي غراضك وبتروحي على غير منطقة، وهيدا الشي أنا أكيد وارتنه، أنا ما كان عندي مشكلة وقتها صار عمري 20 سنة إمسك غراضي وروح على بيروت، لأنه الشغل ببيروت، أو هلق صار معي مثلاً أزمة بالبيت بمسك غراضي بروح على غير بيت، عنا هيدي اللجوء صار أهين، أو الهروب، هيدي الهروب اللي وارتننا من أهلنا اللي هني أخذوها من الحرب.

ي.أ.: طيب، في مكان بتحملي إنك تكوني فيه، شكل بيت، بتحسي إنه هيدا اللي بدك إياه؟

ه.خ.: [00:53:17] بفتكر نحن العاطفة كتير أثرت فينا، لأنو to a long point كان عندي هيدا البيت وهيدا الحلم إذا بدك، كان أكثر بيت طابقين، بيت قديم arches سقف عالي، مثل ما عم قلك. يعني البيت اللي أنا عابشة فيه بس أكثر على فيلا مع جنبنة أكبر، بنص المدينة، وكنت إتخيلها إنو هيدا تحدي للمدينة، المدينة ما لازم يكون هيك شكلها، وما لازم يكون فيها بيوت قديمة، بس أنا كنت حب إنو هيدا هو البيت اللي أنا رح حس حالي كتير safe فيه، بس تكون صريحة معك من وقتها ال explosion بعنبر إنو خسرت، خسرت هيدا — أو انمحي. يعني ما بقا بدني هيدا الشيء، ما بعرف if it's for a short period of time وبعد وقت رح إرجع يكون بدني ياه، بس صرت خاف يكون بدني هيدا الحلم هيدا البيت، لأنه حسيت بأيا لحظة هيدا فيه ينمحي مني، يعني بأيا لحظة هيدا الشيء فيه ينأخذ، هالحلم تبعي وهالأمال بأربع ثواني فيه خلص، يروح كل شي.

ي.أ.: طب شي واحد هلق إذا فليتي على مكان تاني بتاخدي من هيدا المكان، وليش؟

ه.خ.: [00:54:45] إذا بدني سافر على مكان بيكون أكثر، يعني المحلات اللي رحنت عليا وارتحت كان عندها history شوي بيشبه ال history تبع لبنان. يلي هي post war.. وقتها رحنت على برلين، وأنا يمكن سافر على برلين، حسيت اوكي أنا فيني، فيني عيش بمدينة هيك، وين بعد فيكي تشوفي بنايات قديمة مش بس بنايات جديدة، فيكي definitely تشوفي آثار ال... آثار الحرب عالطرافات، إذا عم تحكي إنت ب place معين ب space معين فيكي تشوفيه، فيكي تشوفي إنه هوني صار في ظلم، صار في مجازر بس العالم they tried to move on even though مش الكل it's not done yet مثل ما هوني، خلصت الحرب الأهلية بس بعد في، بعد في آثار الحرب الأهلية عالشوارع عالبنائيات وعالعالم كمانا. إذا بدني أخذ شي من لبنان وسمي home أول شي هي إنو، مكان ما حس إنو أنا مضطرة إهرب، هيدا، هيدا المكان اللي أنا برتاح لإله برتاح فيه، مكان فيه عالم، عالم طيبة يعني مثل ما قلناك يعني ما بعرف أنا لإلي ال space is shaped by people themselves by stories themselves, good stories, bad stories, good people and bad people as well. good spirit يعني مثل ما العالم الطيبة والمنيحة مهمة بحياتك والأماكن الحلوة وال charming مهمة بحياتك، الأماكن البشعة والعالم البشعة as important لتعطيك this balance of reality that you need in your life.

ي.أ.: طيب كيف بتربطي إحساسك بالخوف، وإحساسك بالأمان بمكان معين، يمكن بتكرهي مكان لأنو بيحسسك بهيدا الخوف أو بالعكس؟

ه.خ.: [00:56:47] الأمان، دغري إذا بدني فكر بأمان بروح عطرابلس. يعني لإلي... مع إنو بتشوفي عال TV وهيكي إنو في كتير مشاكل بطرابلس، بس مش صحيح. سو أول ما فكر بأمان بفكر بأهلي، بفكر بيبي بطرابلس، لأنو نحن شوي بعاد عن طرابلس. هيدولي بفكر فيهن.

ي.أ.: والخوف؟

ه.خ.: [00:57:17] وقتها فكر بخوف... وقتها فكر بخوف، هلق بعدك عم تسألينا ونحن طالعين من ال explosion يعني، ما بفكر بالبيت اللي أنا عابشة فيه مع إنه كنت أنا فيه وقتها صارت ال explosion يلي هو من أكثر مرات خفت فيها. بس بفكر أكثر بال action اللي عملناها يعني وقتها فكر بخوف أول شي بفكر بصوت، وبفكر بضغط، وهروب. يعني أكثر شي بتذكر إنو كنا عم نركض فالخوف لإلي هو صوت وهروب، عم تهربي من شي من محل أو... ما كنا حتى عم نهرب من محل حتى أكثر من صوت.

ي.أ.: طيب غير المكان، بتحسي إنو الناس كمان أكثر... ممكن تكوني عم تخلقي الأمان معهم؟ يمكن بالمدينة الجديدة أو بتحسي إنو لا هيدا الأمان موجود بمكان واحد ما بلاقي غيره.

ه.خ.: [00:58:25] لأ، بحس المكان والأمان بينتقل مع الأشخاص. يعني إذا عم ناخذ هيدا ال example تبع بيروت ومار مخايل وكرنتينا شو صار فيها من بعد ال... من بعد ال explosion من بعد الانفجار بتقولي منو مكان أمان، مع إنو العالم اللي نزلت عالارض عملت المكان أمان، صرنا نرتاح أكثر نفسيا وقتها ننزل وننظف تحت. سو هيدا بعنقد this is contradictory لأنه إنت بمحل supposedly منو أمان، it's not safe، كان بعد في بنايات عم توقع، بس نفسيا، إنت عم تحسي بالأمان لأنك مع عالم they're been through the same thing you've been through. كان كأنه كلنا we're sharing the same memories قاعدين مع بعض بمكان خطر، بس نحن حاسين حالنا بأمان مع بعض. بفتكر هيدي ال safety بنتنقل معك مع الأشخاص.

ي.أ.: بتحسي إنت نجحت، إذا بتعتبري حالك نجحت، بانو تلاقي حالك ببيروت ويمكن عندك الجراة ترجعي تلاقي حالك بمدينة جديدة؟

ه.خ.: [00:59:39] بفتكر اي، بعد أخذ وقت تلاقي حالي ببيروت، بس هلق فيني قول اي بعرف، بعرف وين أنا و it's not a specific place أنا بمحل ضياع، يلي هو بيروت، وأنا لقيت حالي ولقيت شو بحب إشتغل وشو بحب شو لا ويرضو بقلبه ضياع، بس هيدي

